

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 386. Qualiter permutatio differat à pactis & contractibus tam
nominatis quàm innominatis aliis.

[urn:nbn:de:hbz:466:1-73957](#)

alia certa in specie: Siquidem si res incerta seu in genere pro alia re incerta & in genere detur. V.g. equus indeterminatus pro alio equo vel bove indeterminato, vel etiam equus determinatus pro alio equo vel bove indeterminato, non erit propriè & strictè ac perfecta permutatio, sed contractus innominatus, nimirum do ut des. Pirk. b.t. n.2. Reiffenst. n.6. Muller. ad Stru. b.t. th. 16. lit. c. cum Gl. fin. communiter recepta in l. I. §. 2. b.t. & Vul-tejo. Dicitur denique: *Datur.* Per quod significatur, non sufficere, etiam præter consensum, ob-signationem, oblationem, depositionem rei, ut Lauterb. l.c. §. 3. sed requiri realem, actualem datationem seu traditionem rei, per quam actu & statim transferatur in accipientem dominium, seu jus in re, etiam antequam is ex sua parte contractum impletando vicissim rem aliam. Lauterb. l.c. §. 8. juncto §. 9. neque enim ad perfectionem hujus contractus requiri traditionem ex utraque parte, ut volunt Molin. l.c. d. 396. n.2. & 3. Carpz. p. 2. & c. 13. def. 3. n.6. Pichard. ad §. 28. Inst. de act. sed sufficiare ex una parte factam, tanquam communiter approbatum & de jure verissimum, ait Lauterb. l.c. §. 7. juncto §. 9. Arg. §. 41. d. R. D. l. 5. §. 1. l. 7. ff. de prescript. verb. l. 4. s. 6. & fin. C. b. t. ubi re ab uno tradita effectus, nimirum actio præscriptis verbis ex permutatione conceditur; actio autem non conceditur ex contractu, nisi eo perfecto, & posito effectu necessario ponitur causa. Item probat illud optimè ex eo, quod, si ad perfectionem contractuum innominatorum requereretur præstatio mutua, seu ex utraque parte, non esset modus constituendi obligationem; cum præstatione facta ex parte utriusque, neuter est amplius obligatus; citat pro his Salicet. in cit. §. 41. Inst. Frantz. ad ff. de prescrip. verb. num. 26. & seq. Bachov. in Treutl. d. 30. th. 6. lit. a. Porro constitutionem ipsam hujus contractus ingreditur ipsa datio tantum causa pariens obligationem; neque enim hic per causam intelligitur ea, qua pacientes ad contrahendum seu permutandum impulsi, seu occasio permutandi fuit, upote quid præmium, & permutationi extrinsecum; sed intelligitur ipsum factum ab alteruto positum; hoc enim susceptum in hunc finem, ut iterum aliquid detur vel fiat, in hisce contractibus innominatis parit in altero obligationem, seu efficit, ut alter quoque astringatur ad simile seu æquivalens priori dato vel facto. L. I. ff. b. t. l. 7. §. 2. de pac. & ibi Accurit. Clasen. *Differat.* de contract. innomin. th. 15. & 16. Corset. de contract. innom. c. 6. & 7. & num. 22. quos citat & sequitur Muller. ad Stru. in ff. b. t. lit. a.

Quæst. 386. Qualiter permutatio differat à pactis & contractibus tam nominatis quam innominatis aliis?

I. Esp. primò: Differat permutatio sicut & ceteri contractus tam innominati quam nominati à nudo pacto, quod pactum nudum conventionem quidem dicat, sed quæ nullum negotium, quod actionem civilem producat, continet; qualis v.g. est conventio inter me & Titium, ut mihi vendat domum suam: ut mihi det mutuo pecuniam: vel etiam, ut fundum suum cum meo permittet quia talis conventio stat in nudis terminis; si autem accelererit conventio de re & prelio, vel numeretur pecunia mutuo danda, vel traditio rei permutandæ, & sic negotium pariens

actionem civilem, consurgit contractus nominatus venditionis, mutui, vel innominatus permutacionis. *Princ. Inst.* quib. mod. re contrab. oblig. Muller. ad Stru. in ff. tit. de pac. th. 8. atque ita differat permutatio, uti & ceteri contractus à nudo pacto, quod in se habeat negotium aliquod, nempe traditionem, absque quo destitueretur vi omni obligandi, uti & nulla pacta. Stru. in ff. b. t. th. 12. & Muller. *ibid.*

2. Resp. secundò: Differat permutatio à ceteris contractibus innominatis, quorum nec plures nec pauciores, quam quatuor haec species enumeratae in l. 5. ff. de prescrip. verb. do ut des. do ut facias. facio ut des. facio ut facias. cum nullus ex cogitari possit contractus innominatus, qui non ad unam harum specierum referri possit Clasen. de innom. contract. th. 31. sic enim ad has simplices species reducuntur contractus istiusmodi mixti & compositi. V.g. dum Titius dat bovem & laborat, ut Cajus det illi vinum, & eum doceat; oritur enim inde hic contractus: do & facio, ut des & facias. Molin. de j. & j. Tom. 2. d. 253. num. 5. item expressi per negationem ad expressos per affirmationem. V.g. dum do pecuniam, ut non accuses me: ad hunc: do pecuniam, ut desistas ab accusatione. Coret. de contract. innom. c. 9. num. 32. adeoque ad illum: do ut facias: cum factum comprehendat sub se etiam non factum. Arg. l. 2. §. 5. ff. de V.O. Molin. loc. cit. num. 4. Clasen. loc. cit. th. 32. vide de his Muller. b. t. th. 15. Jam vero qualiter à tribus posterioribus illis speciebus contractuum innominatorum differat permutatio, patet, dum in ea præstatur res pro facto, nec factum pro re, nec factum pro facto, sed detur res pro re, in eo vero, an & qualiter differat à prima specie: do ut des: tota est difficultas & controversia; planè inter se non differre permutacionem & contractum: do ut des; tradunt Stru. in ff. b. t. th. 16. Garfas in l. juris gentium. ff. de pac. à num. 26. Coras. 2. miscellan. Cujac. l. 13. observ. 219. Bachov. ad Treutl. vol. 1. d. 30. th. 6. lit. a. Perez. ad Cod. b. t. num. 5. & alii apud Muller. b. t. th. 16. lit. b. ad quos accedit Wiesth. b. t. num. 5. & hanc sententiam plerosque recentiores tñnere testatur Lauterb. in ff. b. t. §. 18. Contrarium tamen tenent Sichard. in Cod. b. t. num. 4. Christinae. vol. 3. decis. 107. num. 2. in fin. Pirk. b. t. num. 2. citatis Host. in sum. b. t. num. 2. & Wesenbec. in paratit. ff. b. t. num. 30. idque hi posteriores AA. ex eo probant, quod ad permutacionem essentialiter requiratur, ut res certa pro re certa detur, ita ut, si res certa pro incerta detur, non sit permutatio strictè talis; sit tamen contractus do ut des. AA. citati. Muller. loc. cit. cum Gl. in l. I. §. 2. C. b. t. u. nomen suum habent. item à posteriore, ut Pirk. citatis pro hoc Host. Wesenb. ubi ante. quod ex permutacione oriatur actio bona fidei; ex contractu: do ut des: actio stricti juris. Unde etiam differre permutacionem tanquam speciem, seu quid minus latè patens, à contractu: do ut des; tanquam à genere, sub quo continetur, non secus, ac homo ab animali; dum omnis permutatio est contractus: do ut des; non vero omnis contractus: do ut des: (quippe continens etiam dationem rei certæ pro incerta) est permutatio, tradunt Muller. l. c. Lauterb. l. c. th. 18.

3. Resp. tertio: Differat quoque permutatio à contractibus omnibus, non quidem ratione nominis

minis tantum, quippe quod quid accidentale & extrinsecum est, essentiam rei non ingrediens, dum nomina sunt nota, non causa constituentes eas juxta l. 7. §. 2. ff. de suppell. legat. neque etiam ratione originis, quam sicut contractus innominati omnes, ita etiam permutatio trahit a jure gentium, dum interim nominatorum contractuum aliqui totam suam originem trahunt a Jure civili, ita ut merum, tam quo ad formam, quam quod ad originem Juris civilis commentum dici possint; de quo vide Muller. b. t. th. 12. cùm & origo hæc sit quid contractibus extrinsecum; sed differt ab iis ab intrinseco ratione forma & essentia sua. Et in genere quidem ab omnibus contractibus nominatis, non tantum gratuitis, puta donatione, mutuo, deposito, sed & ceteris reciprocam obligationem inducentibus per hoc, quod res, cuiuscunq; sit generis, detur ea lege & conventione, ut recipiens pro illa det rem aliam sine ejusdem sine diversi generis. L. 7. C. b. t. l. 5. ff. de prescr. verb. l. 58. ff. de Procur. Lauterb. b. t. §. 17. ut id imprimis in donatione simplice, utpote in qua nihil vicissim datur aut præstatur; in donatione quoque reciproca, dum Titius donat Cajo equum, & is vicissim gratitudinis ergo dat Titio annulum; non enim in hoc casu data est res ea lege, ut pro ea vicissim detur alia; nec, qui rem recepit, vicissim tanquam debitum justitia & in compensationem accepti, sed tantum animo remunerandi dat aliud. Molin. tr. 2. d. 397. num. 15. & 16. Bachov. ad Trent. vol. 2. d. 19. th. 4. lit. b. Lauterb. §. 19. si vero quis donaverit seu dederit aliquid sub hac expressa lege, ut accipiens vicissim det aliquid, quantumcumque usi vocabulo donationis, videri adhuc esse permutationem, et si res data & accepta non sint aequales, ait Lauterb. citans l. fin. C. b. t. l. 9. & 22. C. de donat. & Molin. ubi ante. Patet etiam in mutuo, dum imprimis in eo, si res mutuo data non consumitur, non detur ea lege, ut detur alia, sed ut restituatur alia; in mutuo vero rerum fungibilium seu usi consumptibilium, et si detur ea lege, ut restituatur alia ejusdem generis, hæc tamen non detur principaliter eo fine, ut detur alia, ut contingit in permutatione, sed ut accipiens re illa utatur. L. 9. 10. 11. ff. de R.C. Lauterb. loc. cit. §. 20. Idem ferè est in deposito, dum in eo oportet res custodienda, restituenda dein eadem. Patet item in contractibus onerosis, præcipue venditionis, utpote in qua non datur res pro re, sed pretium. Et quamvis ea alijs in pluribus cum venditione conveniat, ut videtur est apud Muller. b. t. th. 18. insuper tamen in alijs plurimis ab ea differat: dum nimis venditio, ut & alii contractus inde dicti consensuales, solo consensu perficitur, permutatio non nisi re ipsa interveniente, ut & in ceteris contractibus innominatis, qui omnes exinde reales dicuntur, utpote in quibus traditio rei vel præstatio facti initia obligacionis facit, item quod in emptione facta non sit locus penitentiae, secus in permutatione, de quo ex professo quest. seq. Item quod in venditione non transferatur dominium, nisi vendor pretium receperit, vel satisfactum ei fuerit, aut fidem de pretio habuerit. §. 41. Inst. de rev. divis. l. quod vendidi. l. ut res. ff. de contrah. empt. in permutatione autem dominium rei tradita transferatur in accipientem etiamsi fides habita non sit rei invicem ejus, quam tradita fuit, accipiendæ. Muller. loc. cit. th. 18. Item, quod in emptione, si res evicta, detur actio

exempto; in permutatione actio in factum praescriptis verbis. L. 1. ff. b. t. Muller. loc. cit. Item quod res aliena vendi possit, non permutari; de quo tamen vide dicenda paulò post.

Quæst. 387. Qualiter ex permutatione oriantur obligatio, & cùm perfecta, sit locus pœnitentiae?

1. Resp. ad primum: Datione facta, seu re tradita mox oritur obligatio, quæ est *μετοπλευρα*, ut inquit Lauterb. loc. cit. §. 21. utpote quæle tenet solum ex parte unius permutantium, nempe rem datam recipientis; non enim ex inde obligatur, qui rem dedit; cum is eam non dederit, ut obligaret se alteri, sed ut alterum obligaret sibi, nimis ad implendum quoque contractum ex parte sua, dando rem promissam, vel ad præstandum interesse, seu quod interest ejus, qui rem suam dedit, rem promissam vicissim datam non esse, ubi is illud exigere, uti potest, mallet. L. 5. §. 1. ff. de prescr. verb. Stru. b. t. th. 21. Muller. ibid. lit. a. inter quæ duo, obligatum esse ad rem promissam dandam, vel interesse præstandum, hoc interest, ut, si, qui rem suam dedit, agat ad rem vicissim dandam sibi, omne incrementum ex post facto accedens simul dandum veniat: si vero agat ad interesse, incrementum hoc non veniat, sed solum, quantum interfuit illius dari vicissim tunc, quando dari debebat. Muller. loc. cit. citans Franzk. ad tit. de prescr. verb. n. 64. Brunem. ad l. 5. §. 1. ff. eod. uti autem oportebat dantem rem suam sanam & absque vitio dedisse, ita quoque alter ad dandam vicissim rem suam sanam absque vitio astringitur. Stru. loc. cit. juxta l. fin. b. t.

2. Resp. ad secundum: Qui rem dedit seu tradidit, facta hac traditione, quamdiu ab altero rem promissam non accepit seu acquisivit, regulariter pœnitere potest, & rem datam ab accipiente condicere, ita, ut in ejus electione sit contra accipientem ex contractu permutationis agere actione praescriptis verbis ad illum implendum, vel ad interesse. L. 5. ff. de P. V. an vero tem datum repetere, & ad refolvendum contractum agere condicione causa data causâ non secutâ. L. 1. in fin. ff. & l. 4. C. eodem. Muller. loc. cit. th. 18. Lauterb. loc. cit. §. 21. Estque hæc condicione, qua datur ex tali pœnitentia, adhuc licita, etiamsi alter postmodum velit facere promissis. L. 3. in fin. l. 5. §. 1. & 13. ff. de condic. can. data, caus. non secutâ. Wefenbec. in paratit. ad ff. b. t. num. 10. Zoël. ad lff. b. t. num. 8. & 9. Aruma. Giphon. & alii, quos citat & sequitur Muller. b. t. num. 22. lit. v. Idem esse de Jure canonico ait ex Heidec. Lauterb. loc. cit. nisi tamen stipulatio, si quæ præcessit, aut renunciatio juris pœnitendi, aliave causa hanc pœnitentiam impedit. L. 3. & 7. C. b. t. Barbos. l. 4. C. b. t. n. 3. Lauterb. loc. cit. Hinc dixeram regulariter; ut etiam is, qui rem dedit, postquam rem vicissim ab alio datam accepit, ulterius pœnitere, & rem suam condicere nequit. Barbos. ad l. 3. C. b. t. n. 22. Econtra, qui rem accepit pœnitere, & rem acceptam primo danti invito restituere, & se ab obligatione jure contracta liberare nequit. Arg. l. 5. C. de O. & A. Bachov. ad Trent. vol. 1. d. 30. th. 3. lit. d. Perez. in Cod. b. t. n. 2. Lauterb. §. 23. & alii apud illum; quamvis enim in contractibus innominatis locum habeat, id tamen procedit tantum in personis obligantibus, non in obligatis.

R. P. Leur. Jr. Can. Lib. III.

Kk 2

Quæst.